



Broj: 10/E-11-8072/22
Sarajevo, 07-03-2023. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u ponovnom postupku javne nabavke usluga izrade idejnog i glavnog projekta urbane transformacije i uređenja javnog prostora „Hastahana“, postupajući u skladu sa Rješenjem Ureda za razmatranje žalbi BiH, Filijala/Podružnica Mostar, broj: JN2-03-07-1-213-8/23 od 09.02.2023. godine (Zapisnik o pregledu i ocjeni ponuda broj: 10/E-11-8072/22 od 28-02-2023. godine), Opštinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača **„RADIS“ d.o.o. Istočno Sarajevo, ulica Jovana Dučića broj 16, 71 123 Istočno Sarajevo**, broj: 3053-12/22 od 20.12.2022. godine, za nabavku usluga izrade idejnog i glavnog projekta urbane transformacije i uređenja javnog prostora „Hastahana“, putem otvorenog postupka javne nabavke, u ukupnom iznosu od **113.000,00 bez PDV-a**, odnosno u iznosu od **132.210,00 sa PDV-om i rokom izvršenja/izrade kompletne projektne dokumentacije** (idejni projekat+glavni projekat+elaborati) **koji iznosi 74 (sedamdesetčetiri) radna dana od dana potpisivanja ugovora.**
- II. Ugovorni organ će sa izabranim ponuđačem zaključiti ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i člana 71. stav (2) Zakona o javnim nabavkama.
- IV. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak za javnu nabavku usluga izrade idejnog i glavnog projekta urbane transformacije i uređenja javnog prostora „Hastahana“, putem otvorenog postupka, pokrenut je Posebnom odlukom Općinskog načelnika o pokretanju postupka javne nabavke putem otvorenog postupka, broj: 10/E-11-8072/22 od 09.11.2022. godine.

Obavještenje o nabavci broj: 848-1-2-253-3-162/22 objavljeno je dana 06.12.2022. godine na Portalu javnih nabavki, a Sažetak Obavještenja o nabavci objavljen je u „Službenom glasniku BiH“ broj 80/22.

Procijenjena vrijednost javne nabavke bez PDV-a iznosi 150.000,00 KM.

U roku za predaju ponuda koji je određen tenderskom dokumentacijom (21.12.2022. godine do 11:00 sati), na adresu Ugovornog organa dostavljene su 4 (četiri) ponude i to ponuđača: 1. „IPSA INSTITUT“ d.o.o. Sarajevo; 2. konzorcij „URBIS CENTAR“ d.o.o. Banja Luka i „Ecoplan“ d.o.o. Mostar; 3. „RADIS“ d.o.o. Istočno Sarajevo i 4. grupa ponuđača „I.D.E.A.“ d.o.o. Sarajevo i „STUDIO MRAV“ d.o.o. Sarajevo.

U skladu sa članom 63. Zakona o javnim nabavkama BiH, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane je cijena ponuda i rok izvršenja/izrade kompletne projektne dokumentacije, kao kriteriji „ekonomski najpovoljnija ponuda“, kako slijedi:

R/b	Ponuđač	Ukupna cijena ponude (KM) bez PDV-a	Popust u KM (%)	Ukupna cijena ponude (KM) bez PDV-a s popustom	Ukupna cijena (KM) sa PDV-om i popustom	Rok izvršenja
1.	„IPSA INSTITUT“ d.o.o. Sarajevo	145.420,00	26.175,60 (18%)	119.244,40	139.515,95 (u cijenu uračunat popust)	85 radnih dana
2.	KONZORCIJ: 1. „URBIS CENTAR“ d.o.o. Banja Luka 2. „Ecoplan“ d.o.o. Mostar	118.000,00	/	118.000,00	138.060,00	70 radnih dana
3.	„RADIS“ d.o.o. Istočno Sarajevo	113.000,00	/	113.000,00	132.210,00	74 radnih dana
4.	GRUPA PONUĐAČA: 1. „I.D.E.A.“ d.o.o. Sarajevo 2. „STUDIO MRAV“ d.o.o. Sarajevo	120.000,00	/	120.000,00	140.400,00	70 radnih dana

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude u smislu provjere njihove potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u tenderskoj dokumentaciji.

Naime, u pretodnom postupku, okončanom donošenjem Odluke o izboru najpovoljnijeg ponuđača broj: 10/E-11-8072/22 od 12.01.2023. godine, koja je poništena Rješenjem Ureda za razmatranje žalbi BiH, Filijala/Podružnica Mostar, broj: JN2-03-07-1-213-8/23 od 09.02.2023. godine, Komisija I je izvršila pregled dostavljenih ponuda u smislu provjere ispunjenosti formalno-pravnih, ekonomskih i tehničkih uslova, i zahtjeva Ugovornog organa iz tenderske dokumentacije.

Tom prilikom Komisija I je utvrdila da u ponudi grupe ponuđača „I.D.E.A.“ d.o.o. Sarajevo i „STUDIO MRAV“ d.o.o. Sarajevo nije dostavljen aktuelni izvod iz sudskog registra ili rješenje u upisu u sudski registar ili izjava/potvrda nadležnog organa (original ili ovjerena kopija) za ponuđača/člana grupe 2 „STUDIO MRAV“ d.o.o. Sarajevo, iz kojeg se vidi da je navedeni ponuđač/član grupe registrovan za obavljanje djelatnosti koja je predmet ove nabavke, kako je navedeno tačkama 7.2.1. i 7.2.2. tenderske dokumentacije (7.2. Sposobnost za obavljanje profesionalne djelatnosti), u vezi sa tačkom 7.4.1. tenderske dokumentacije (7.4. Grupa ponuđača).

Dalje je Komisija I ustanovila da grupa ponuđača „I.D.E.A.“ d.o.o. Sarajevo i „STUDIO MRAV“ d.o.o. Sarajevo nije u ponudi dostavila garanciju za ozbiljnost ponude, zahtijevanu tenderskom dokumentacijom za predmetnu nabavku, tačke 8.8.1. i 8.8.2. (8.8. Garancija za ozbiljnost ponude).

Tačkom 8.8. tenderske dokumentacije – Garancija za ozbiljnost ponude, navodi se da je svaki ponuđač dužan dostaviti garanciju za ozbiljnost ponude koja važi od dana dostavljanja ponude do isteka važenja ponude. Garancija za ozbiljnost ponude dostavlja se u formi bezuslovne bankarske garancije koja iznosi 1% od procijenjenje vrijednosti nabavke što iznosi 1.500,00 KM. Grupa ponuđača dostavlja garanciju koja odgovara traženom iznosu bez obzira da li je

dostavlja član, više članova ili svi članovi grupe ponuđača. Obrazac garancije za ozbiljnost ponude je dat u prilogu ove tenderske dokumentacije (Aneks 6).

Uzevši u obzir činjenicu da u ponudi grupe ponuđača "I.D.E.A." d.o.o. Sarajevo i "STUDIO MRAVI d.o.o. Sarajevo, u skladu sa zahtjevima Ugovornog organ iskazanim u tački 7.2.2. tenderske dokumentacije za predmetnu nabavku, nije dostavljen traženi dokaz za člana grupe ponuđača "STUDIO MRAV" d.o.o. Sarajevo i da zbog nedostavljanja uz ponudu traženog dokaza nije potvrđena njegova profesionalna sposobnost odnosno kvalifikovanost za pružanje usluga koje su predmet nabavke, te da nije dostavljena garancija za ozbiljnost ponude u skladu sa zahtjevom iz tačke 8.8. tenderske dokumentacije, Komisija I je zaključila da grupa ponuđača nije postupila u skladu sa članom 57. stav (1) Zakona o javnim nabavkama, zbog čega je ponuda odbačena u smislu člana 68. stav (4) tačka b) i i) Zakona o javnim nabavkama. Shodno navedenom ponuda je isključena iz postupka evaluacije, a o razlozima isključenja grupa ponuđača je pismeno obaviještena dopisom broj: 10/E-11-8072/22 od 23.12.2022. godine, u prethodnom postupku koji je okončan donošenjem Odluke o izboru najpovoljnijeg ponuđača broj: 10/E-11-8072/22 od 12.01.2023. godine, poništene Rješenjem Ureda za razmatranje žalbi BiH, Filijala/Podružnica Mostar, broj: JN2-03-07-1-213-8/23 od 09.02.2023. godine.

U prethodnom postupku Komisija I nije prihvatila kao ispravnu i potpunu ponudu ponuđača/konzorcij „URBIS CENTAR“ d.o.o. Banja Luka i „Ecoplan“ d.o.o. Mostar, iz razloga što je ocijenila da pismena izjava iz člana 52. Zakona o javnim nabavkama (Aneks 4.), dostavljena na strani 95. ponude, nije popunjena u skladu sa Upustvom za pripremu modela tenderske dokumentacije i ponuda („Službeni glasnik BiH“, broj 90/14 i 20/15), kojim je utvrđena forma i sadržaj izjave po članu 52. stav (2) Zakona o javnim nabavkama. Naime, Komisija I je ustanovila da prema notarski obrađenoj punomoći, izdatoj 29.06.2015. godine, dostavljenoj na strani 97. ponude, opunomoćenik ne posjeduje ovlaštenje da može popunjavati dokumente u ime ponuđača odnosno unositi vlastite podatke u izjavu/izjave propisane Zakonom o javnim nabavkama i odgovarajućim podzakonskim aktima. U konkretnom slučaju, Komisija I je ocijenila da opunomoćenik nije mogao upisivati svoje podatke u izjavu, nego samo podatke zakonskog zastupnika privrednog društva – subjekta, upisanog u sudski registar, te potpisati izjavu prema ovlaštenju iz punomoći.

U skladu sa prednje navedenim Komisija I je u prethodnom postupku odbacila ponudu ponuđača konzorcij „URBIS CENTAR“ d.o.o. Banja Luka i „Ecoplan“ d.o.o. Mostar, te istu isključila iz daljeg postupka, o čemu je ponuđač/konzorcij pismeno obaviješten dopisom broj: 10/E-11-8072/22 od 28.12.2022. godine.

Nakon pregleda ponuda ponuđača: "IPSA INSTITUT" d.o.o. Sarajevo i "RADIS" d.o.o. Istočno Sarajevo, i evaluacije izvršene u skladu sa kriterijem "ekonomski najpovoljnija ponuda", na prijedlog Komisije I, Općinski načelnik je prethodnom postupku donio Odluku o izboru kao najpovoljnije ponude prvorangiranog ponuđača "RADIS" d.o.o. Istočno Sarajevo, broj: 10/E-11-8072/22 od 12.01.2023. godine.

Na odluku o izboru najpovoljnijeg ponuđača broj: 10/E-11-8072/22 od 12.01.2023. godine, putem Ugovornog organa, žalbe su izjavili drugorangirani ponuđač "IPSA INSTITUT" d.o.o. Sarajevo i konzorcij „URBIS CENTAR“ d.o.o. Banja Luka i „Ecoplan“ d.o.o. Mostar, čija je ponuda odbačena. Ocijenivši žalbene navode neosnovanim Ugovorni organ je žalbe, zajedno sa svojim izjašnjenjima, prosljedio Uredu za razmatranje žalbi BiH, Filijala/Podružnica Mostar u skladu sa članom 100. stav (5) Zakona o javnim nabavkama.

S tim u vezi Odlukom Općinskog načelnika broj: 10/E-11-8072/22 od 20.01.2023. godine obustavljen je postupak javne nabavke, o čemu su obaviješteni svi ponuđači koji su učestvovali u postupku.

Rješenjem Ureda za razmatranje žalbi BiH, Filijala/Podružnica Mostar broj: JN2-03-07-1-213-8/23 od 09.02.2023. godine djelomično je usvojena žalba ponuđača konzorcija „URBIS CENTAR“ d.o.o. Banja Luka i „Ecoplan“ d.o.o. Mostar, i poništena Odluka o izboru najpovoljnijeg ponuđača broj: 10/E-11-8072/22 od 12.01.2023. godine, te predmet vraćen Ugovornom organu na ponovni postupak.

Nakon toga dostavljen je Zaključak Ureda za razmatranje žalbi BiH, Filijala/Podružnica Mostar broj: JN2-03-07-1-211-7/23 od 16.02.2023. godine kojim je kao neuredna odbačena žalba ponuđača "IPSA INSTITUT" d.o.o. Sarajevo.

Uvažavanjem stavova Ureda za razmatranje žalbi BiH, Filijala/Podružnica Mostar, iznesenih u Rješenju broj: JN2-03-07-1-213-8/23 od 09.02.2023. godine, u kontekstu žalbenih navoda i činjenica iz dostavljenih ponuda, Komisija I je izvršila ponovni pregled dostavljenih ponuda.

Provjerom i detaljnom analizom svih ponuda Komisija I je konstatovala sljedeće:

PONUĐAČ "IPSA INSTITUT" d.o.o. Sarajevo

Ponuđač je dostavio ispravnu, potpunu i prihvatljivu ponudu, u skladu sa zahtjevima iz tenderske dokumentacije, te je Komisija I izvršila evaluaciju ponude prema pravilima propisanim Zakonom o javnim nabavkama BiH i podzakonskim aktima, kao i procedurama utvrđenim u tenderskoj dokumentaciji za predmetnu nabavku, i usporedbu sa ostalim ispravnim i prihvatljivim ponudama.

PONUĐAČ "RADIS" d.o.o. Istočno Sarajevo

Ponuđač je dostavio ispravnu, potpunu i prihvatljivu ponudu, u skladu sa zahtjevima iz tenderske dokumentacije. Obzirom da Rješenjem Ureda za razmatranje žalbi BiH, Filijala/Podružnica Mostar broj: JN2-03-07-1-213-8/23 od 09.02.2023. godine nisu prihvaćeni kao osnovani navodi žalitelja/ponuđača konzorcija „URBIS CENTAR“ d.o.o. Banja Luka i „Ecoplan“ d.o.o. Mostar da se izabrani ponuđač "RADIS" d.o.o. Istočno Sarajevo ne nalazi u Registru ovlaštenja za projektovanje građevina i zahvata u prostornom obuhvatu zaštite nacionalnih spomenika, objavljenom na službenoj stranici Federalnog ministarstva prostornog uređenja, a iz razloga koji su pobliže navedeni u obrazloženju Rješenja Ureda za razmatranje žalbi BiH, Komisija I je izvršila evaluaciju ponude prema pravilima propisanim Zakonom o javnim nabavkama BiH i podzakonskim aktima, kao i procedurama utvrđenim u tenderskoj dokumentaciji za predmetnu nabavku, i usporedbu sa ostalim ispravnim i prihvatljivim ponudama.

PONUĐAČ KOZORCIJ „URBIS CENTAR“ d.o.o. Banja Luka i „Ecoplan“ d.o.o. Mostar

Postupajući u skladu sa stavovima Ureda za razmatranje žalbi BiH, Filijala/Podružnica Mostar broj: JN2-03-07-1-213-8/23 od 09.02.2023. godine, iznesenim u Rješenju broj: JN2-03-07-1-213-8/23 od 09.02.2023. godine, u ponovnom postupku Komisija I je ocijenila da je ponuda ponuđača konzorcij „URBIS CENTAR“ d.o.o. Banja Luka i „Ecoplan“ d.o.o. Mostar ispravna, potpuna i prihvatljiva. Na osnovu navedenog Komisija I je izvršila evaluaciju ponude prema pravilima propisanim Zakonom o javnim nabavkama BiH i podzakonskim aktima, kao i procedurama utvrđenim u tenderskoj dokumentaciji za predmetnu nabavku, i usporedbu sa ostalim ispravnim i prihvatljivim ponudama.

PONUĐAČ - GRUPA PONUĐAČA „I.D.E.A.“ d.o.o. Sarajevo i „STUDIO MRAV“ d.o.o. Sarajevo

Obzirom da ponuđač nije postupio u skladu sa članom 57. stav (1) Zakona o javnim nabavkama, odnosno u svojoj ponudi nije dostavio dokaze i dokumentaciju zahtijevanu tenderskom dokumentacijom, tačke 7.2.1. i 7.2.2. (Sposobnost obavljanja profesionalne djelatnosti), u vezi sa tačkom 7.4.1., za člana grupe „STUDIO MRAV“ d.o.o. Sarajevo, niti je u skladu sa tačkom 8.8. (Garancija za ozbiljnost ponude) dostavio zahtijevanu безусловnu bankarsku garanciju, ponuda navedene grupe ponuđača je odbačena u prethodnom postupku, okončanom donošenjem Odluke o izboru najpovoljnijeg ponuđača, broj: 10/E-11-8072/22 od 12.01.2023. godine. Kako se stavovi i zaključci iz Rješenja Ureda za razmatranje žalbi BiH, Filijala/Podružnica Mostar broj: JN2-03-07-1-213-8/23 od 09.02.2023. godine ne odnose na ponudu grupe ponuđača „I.D.E.A.“ d.o.o. Sarajevo i „STUDIO MRAV“ d.o.o. Sarajevo, Komisija I je u ponovnom postupku ostala kod ranije donesenog zaključka, te iz evaluacije i daljeg postupka isključila ponudu navedene grupe ponuđača, a u skladu sa članom 68. stav (4) tačka b) i i) Zakona o javnim nabavkama.

Komisija I je izvršila i računsku kontrolu ispravnih i prihvatljivih ponuda, i pri tome nije pronađena niti jedna računaska greška.

Nakon što je konstatovala da su ponude ponuđača: 1. "IPSA INSTITUT" d.o.o. Sarajevo; 2. "RADIS" d.o.o. Istočno Sarajevo i 3. konzorcij „URBIS CENTAR“ d.o.o. Banja Luka i „Ecoplan“ d.o.o. Mostar potpune, ispravne, prihvatljive i sačinjene u skladu sa tenderskom dokumentacijom, Upustvom za pripremu modela tenderske dokumentacije i Zakonom o javnim nabavkama, Komisija I je izvršila evaluaciju i bodovanje ponuda prema kriteriju "ekonomski najpovoljnija ponuda" i određenim potkriterijima, primjenom odgovarajuće formule za izračun bodova navedene u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača (Aneks 11.), kako slijedi:

R/b	Ponudač	Ukupna cijena ponude (KM) bez PDV-a	Popust u KM (%)	Ukupna cijena ponude (KM) bez PDV-a s popustom	Ukupna cijena (KM) sa PDV-om	Rok izvršenja
1.	„IPSA INSTITUT“ d.o.o. Sarajevo	145.420,00	26.175,60 (18%)	119.244,40	139.515,95*	85 radnih dana
2.	KONZORCIJ: 1. „URBIS CENTAR“ d.o.o. Banja Luka 2. „Ecoplan“ d.o.o. Mostar	118.000,00	/	118.000,00	138.060,00	70 radnih dana
3.	„RADIS“ d.o.o. Istočno Sarajevo	113.000,00	/	113.000,00	132.210,00	74 radnih dana

* Cijena sa PDV-om u koju je uračunat popust koji nudi ponudač

Rangiranje prihvatljivih ponuda prema kriteriju za izbor ponude „ekonomski najpovoljnija ponuda“ na osnovu člana 64. stav (1) tačka a) Zakona o javnim nabavkama, u skladu sa definisanim potkriterijima, uz primjenu izračuna broja bodova prema Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije (Aneks 11), kako slijedi:

R/b	Ponudač	KRITERIJ „ekonomski najpovoljnija ponuda“	
		POTKRITERIJ Cijena 60% (bez PDV-a)	POTKRITERIJ Rok izvršenja/izrada kompletne projektne dokumentacije 40%
1.	„IPSA INSTITUT“ d.o.o. Sarajevo	$113.000,00/119.244,40* \times 60 = 56,86$ bodova	$70/85 \times 40 = 32,94$ boda
2.	KONZORCIJ: 1. „URBIS CENTAR“ d.o.o. Banja Luka 2. „Ecoplan“ d.o.o. Mostar	$113.000,00/118.000,00 \times 60 = 57,46$ bodova	$70/70 \times 40 = 40$ bodova
3.	„RADIS“ d.o.o. Istočno Sarajevo	$113.000,00/113.000,00 \times 60 = 60$ bodova	$70/74 \times 40 = 37,84$ boda

*Cijena ponude bez PDV-a sa popustom koji nudi ponudač

Nakon bodovanja po osnovu utvrđenih potkriterija ekonomski najpovoljnije ponude (cijena – 60% i rok izvršenja/izrada kompletne projektne dokumentacije – 40%), izvršeno je rangiranje ponuda:

R/b	Ponudač	Broj bodova	Rang
1.	„RADIS“ d.o.o. Istočno Sarajevo	97,84	1
2.	KONZORCIJ: „URBIS CENTAR“ d.o.o. Banja Luka 2. „Ecoplan“ d.o.o. Mostar	97,46	2
3.	„IPSA INSTITUT“ d.o.o. Sarajevo	89,80	3

Cijeneći sve prednje navedeno Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

prvorangiranog ponuđača „RADIS“ d.o.o. Istočno Sarajevo, ulica Jovana Dučića broj 16, 71 123 Istočno Sarajevo, broj: 3053-12/22 od 20.12.2022. godine, za usluge izrade idejnog i glavnog projekta urbane transformacije i uređenja javnog prostora „Hastahana“, putem otvorenog postupka, u ukupnom iznosu **113.000,00 KM bez PDV-a**, odnosno **132.210,00 KM sa PDV-om i rokom izvršenja/izrade kompletne projektne dokumentacije** (idejni projekat+glavni projekat+elaborati) **74 (sedamdesetčetiri) radna dana od dana potpisivanja ugovora.**

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona. Naknada za pokretanje žalbenog postupka iznosi 2.000,00 KM u skladu sa članom 108. stav (1) tačka c) Zakona.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-8072/22 od 28-02-2023 godine



DOSTAVITI:

1. „IPSA INSTITUT“ d.o.o. Sarajevo, ul. Put života bb, 71 000 Sarajevo
2. KONZORCIJ „URBIS CENTAR“ d.o.o. Sarajevo, ul. Bulevar vojvode Stepe Stepanovića broj 101a, 78 000 Banja Luka (predstavnik grupe ponuđača) i „Ecoplan“ d.o.o. Mostar, ul. Dr. Ante Starčevića bb, 88 000 Mostar (član grupe)
3. „RADIS“ d.o.o. Istočno Sarajevo, ulica Jovana Dučića broj 16, 71 123 Istočno Sarajevo
4. GRUPA PONUĐAČA „I.D.E.A.“ d.o.o. Sarajevo, ul. Curak broj 2, 71 000 Sarajevo i „STUDIO MRAV“ d.o.o. Sarajevo, ul. Jedileri broj 7, 71 000 Sarajevo
5. Službi za prostorno uređenje i investicije
6. Kabinetu općinskog načelnika - Odsjek za javne nabavke
7. Službi za finansije
8. U spis